

Gvangjsih Minzcuz Bau

广西民族报 ganhhau: CN45-0036 B.2020 Nd.9 Ng.2 liggaeuq gengcej nienz ndwencaet cibngux

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3439 geiz
Geiz neix 8 banj

《Minzcuz Vwnzyoz》Youq Namzningz Banhban Sonlien Canghraiz Canghhoiz Sawcuengh

Bonjbauq siusik (gicej Vangz Hauyinz) Ndwen 8 ngoenz 26, “Aenban Sonlien Canghraiz Canghhoiz Sawcuengh 《Minzcuz Vwnzyoz》 Bi 2020” youq Namzningz haiban, dwg youz Minzcuz Vwnzyoz Cazcise cawjbanh, Gvangjsih Minzcuz Cuzbanjse ciepbanh. Hezvei Canghraiz Cungguk fucujisiz Cinz Gengungh camgya haiban yizsiz caemhcaiq gangjvah. Swcigih Dangjvej nyuenz fusuhgi, Gvangjsih Gveiqhag Yenzgiuvei veicangj Banh Giz, Guekgya Minzvej Cwngcwz Fazgveih Swh nyuenz swhcangj Mauz Gunghningz, 《Minzcuz Vwnzyoz》 cawjbien Siz Yizningz, Gvangjsih Vwnzlenz dangcuj cwngzyenz, fucujisiz Siz Caizfuh, Gvangjsih Minzcunghvej dangcuj cwngzyenz, fucujyin Veih Yungjhungz, Cungguk Minzcuz Yijvwnz Fanhyizgiz gijvej suhgi Lij Silen daengj boudaeuz caeuq boudhek, nemnangq 40 boud lauxhangz canghmaeq guh hong cauhraiz, fanhoiz Sawcuengh haenx camgya aen yizsiz haiban.

Gyoengq boudaeuz youq mwh gangjvah seiz dwen daengz, ungganq canghraiz canghhoiz Sawcuengh dwg seizdaih hemqheuh caeuq lwgminz yaekaeu, hoenghvuengh hwngfat Sawcuengh cauhraiz, rengzrwd coicaenh Sawcuengh fanhoiz, vih vunzlai Boudcuengh daezhawj gij cozbij caetliengh engq ndei, miz heiq bonjdieg haenx, hawj vunzlai ndaej saedyienh gij gyaepgouz saedcej gyaendei de. Baez bansonlien neix ndaej swnhleih banh ndei, ndaej engq laeglwd dwk hengz ndei Siz Ginbingz seizdaih moq Cungguk daegsaek sevei cuji swhsien, hengz saed aendangj caeuq



▲Aen bansonlien haiban yizsiz yienhciegz.

guekgya minzcuz vwnzva fuengcim cwngcwz, doidoengh caeuq coicaenh gij hongsaeh Sawcuengh vwnzyoz cauhraiz fanhoiz hoenghvuengh hwngfat.

Gyoengq boudag naeu, seizneix dwg seizndei hwngfat Sawcuengh cauhraiz caeuq fanhoiz, dou aeu caenhrengz bae gangj vahcoj, aeu vahcoj bae naemjngeix cauhraiz, fanhoiz, aeueiq vahdoj vwnzva, doedok deihfueng daegsaek, hawj aendoih Sawcuengh canghraiz canghhoiz mboujduenh gyahung, coicaenh hongsaeh Sawcuengh cauhraiz caeuq fanhoiz hwngfat baenaj.

Aenban sonlien gungh banh le 5 ngoenz, Fungz Yi, Vangz Fungyenj, Cangh Yenlingz, Dungh Sih, Vangz Beivaz, Denz Siengh daengj canghraiz

canghmaeq mizmingz gonqlaeng lwnhgangj le gij gingniemh cauhraiz roxnaeuz fanhoiz bonjfaenh, canghraiz Yauzcuz Banh Hungzyiz caeuq canghraiz Boudcuengh Lij Yozyez ngamq dued ndaej Cinmajciengj bineix haenx caemh lwnh le faenh sim' angq caeuq gij gingniemh banjdaeuz vwnzyoz cauhraiz bonjfaenh. Ban sonlien cix cimdoi Sawcuengh cauhraiz caeuq fanhoiz yaekaeu de saeqsim ndaenduengq dangzgoq doxgven, Mauz Gunghningz, Gvanh Swgingh, Lanz Ligoz, Mungz Feih daengj canghraiz canghmaeq vih gyoengq boudag gangj dangzgoq Sawcuengh cauhraiz, fanhoiz lijlan caeuq banjdaeuz daengj neiyungz lai yienh, hawj gyoengq boudag soundaej lairaeuh.

Lingzyinz Yen “Seiq Yawjnaek” Guh Ndei Hong Ginaengz Sonlien

Bineix gvaqdaeuj, Lingzyinz Yen Yinzsegiz yaeng ndei guh daengz, caensaed guh ndei hong cizyez ginaengz sonlien. Gyoengqde ciuq “diuzcingj baijbouh, daezsang mbaekgaep, doedok daegsaek, fugsah ndaejhong” fuengcim dazyinx, aeu “seiq yawjnaek” bae guh ndei “dinghdan, dinghgangj, dinghyiengq” cinjcingq sonlien, aeundaaj yaugoj ndei.

It dwg yawjnaek modaej baizcaz. Gyoengqde mbouj lau dwgrengz haeuj mbanj haeuj ranz, guh ndei boud yaek sonlien modaej baizcaz, sijsaeq geiq ndei, guh daengz cinjcingq sonlien.

Ngeih dwg yawjnaek saenqsik guenleix. Gyoengqde ciuq fap ciuq gvi guh ndei doeksaed, sijsaeq haeddoi ndei doengh aen guh sonlien saenqsik, hawj doengh aen guh sonlien ndaej mizyauq sonlien.

Sam dwg yawjnaek senhconz hemqheuh. Gyoengqde aeu cungj senhconz fuengsik naj doiq naj senhconz, naenghdamz, haeuq ranz senhconz daengj, gya hwnj doenggvaq densi, gvangjbo, veizsin daengj senhconz, hawj vunzlai roxyiuj sonlien fuengsik cix gaenxmaenx bauqmingz camgya.

Seiq dwg yawjnaek naengzlig daezswng. Gyoengqde ciuq dangdieg

saedcae, it fuengmienh guh ndei “aeu guhhong lawh sonlien”, gikleih giyez sou vunzhong ranz gungzhoj onjdingh guhhong, seizneix daengx yienh miz 14 aen fuzbinz ce ghen sou vunz guhhong 202 vunz hengzguh “aeu guhhong lawh sonlien”; lingh fuengmienh gibseiz guh lajsienq sonlien, dangqnae gaenq gonqlaeng guh cizyez ginaengz sonlien 65 geiz, sonlien 3134 vunz, ndawde laebdangj guhgaj vunzhong ranz gungzhoj 1943 vunz, rengzrwd mizyauq coengh nyoengx le daengx yienh hong vutgungz gunggeng.

(Lij Sunvaz Vangz Cingzhungz/ 李顺华 黄呈宏)

SIUSIK DINJ

● Ndwen 8 ngoenz 26, Baksak Si Denzyangz Gih Fulenz, Ranzlauxyieng Dangjvej youq diemjsenranz comzyouq banh “Hag Vwnzsiu Cingsaenz, Dem Rengzhoengh Baihdaw” eu fwen cienz ciengq hozdung, hawj gyoengq vunzlai senranz humx dingq, dem'ak saenqsim baenzmiz bongh coh siujganh.

(Gozsun Gveihoz)

● Mboengqneix, Lungzswng Veijgyangh Yangh gyawj 500 moux makyungz majbaenz ndaej sou, gyoengq boudajndaeu doxcae roengz reih roengz naz mbaetsou, cangsieng, siugai makyungz, ndaw doenghnaz nyaengqnyat nauhyied. Geij bi neix daeuj, aen yangh neix cawz guh ndei hong ndaem haeux le, lij yinx gisuz moq haeuj mbanj, lai ndaem makyungz, lwgmanh, namzgva, lauxbaeg gwnz bya daengj fouz goenghah byaekgve, hawj boudajndaeu ndaej demsou.

(Swngghinh Yaujyaz)

● Geij ngoenz gonq, Gunghcwngz Lizmuz Cin heuhcomz 232 boud vunzhong caeuq ranz gungzhoj dangdieg banh bansonlien, cingj lauxsae caeuq boud sughangz son' gyauq baenzlawz guh faenjaeuh Gveilnz, faenj saenaz, gangq mienhbau daengj dinfwngz, hawj boudag hag rox monz dinfwngz cauhib ndeu.

(Coh Binjciuh)

● Ndwen 8 ngoenz 26, Hozciz Si Yizcuh Gih doxcomz doenghhong hwnqguh ndaw gih Dahroek Ginggih caeuq Huzmaxlingz Gozci Yisuzguz hanghmoeg, song hangh neix gyonjgyoeb roengzngaenz 11 ik maenz. Caj guhbaenz le, ndaej baenz hauhbiu moq cauhoq hwngfat Liuz Samcej vwnzva, hawj ndaw gih lijyouz binjcaz daezswng, rengzrwd doidoengh lajmbanj hwnghoengh.

(Lanz Yungj)